

ՎԵՐՋԱԲԱՆ



Աւարտեցաւ շինութիւնը, ի մօտոյ, Աստուծով, կ'կատարուի նաեւ օծումն ու նաւակատիքը :

Եգիպտոսի ոստանին ամէնէն փայլուն պողոտաներէն մէկուն կողքին կանգնած է Հայոց Եկեղեցին, գեղեցիկ և հոյակապ, աւարկայ ամէնուն գնահատանքին և հիացման :

Գոհ է ամէն ոք սր վերջապէս իրականացաւ հանրութեան բաղձանքը և իղձը բարերարին, սրուն յիշատակին հանդէպ ամէնքը շնորհակալութիւն միայն կ'զգան սրտանց :

Գահիրէի հայ հասարակութիւնը այսօր ունի երկրորդ ազօթատեղի մը եւս, իր պատւոյն և պէտքին համապատասխան դիրքով, իր ազգային և կրօնական զգացման համար հաւասարապէս փայտայիջ վայելչութեամբ :

Ասիկա ան կ'պարտի անշուշտ նախ ժողովուրդին և կառավարութեան այս երկրին, ուր Հայերը միշտ գտած են բարի ասպնջականութիւն մը, և ամէն կարելիութիւն՝ իրենց վաստակին արդիւնքովը պատուաւորապէս ապրելու և հոգալու իրենց հասարակական կեանքը. երկրորդ, ազնիւ բարերարին, որ լուրջ հայու հայրենասէր իմաստութեամբ չ'մոռցաւ իր Ազգն ու հասարակութիւնը, և խորհեցաւ անոնց ապագային վրայ. յետոյ օրինասէր պարտաճանաչութեանը Ազգային Իշխանութեան և կառավարատարին, որոնք ըրին կարեւորն ու կարելին՝ գործադրելու համար բարերարին կամքը. բայց ամէնէն աւելի, անտարակոյս, Ազգային Եկեղեցւոյ մտատիպարին, ամբողջ դարեր Ազգին գոյութիւնը ոգեւորող այն կենդանի զօրութեան, որ մարդու մը ներշնչեց իր համայնքը սիրելու ամէնէն մաքուր կերպերէն մին, ու հասարակութեան